

Nyembo Nd'Ikela



© C.E.R.S.
B.P. 1673 Kananga
République Démocratique Du Congo

Email: 33eme.cers.lit@gmail.com

<http://www.33eme-cers.org/>

NYEMBO ND'IKELA

EM; Ilimbitelo mbo; Esambu wa Ma.
Asaka iyedi inda yemba lwembo nda
baleta ane la shifere n'onkanda
bonda « Esambu wa Ma » nd'Iphadi.

BE; Ilimbitelo mbo; Buku di'Esambu.
Asaka iyedi inda yemba lwembo lone
nda baleta ane la shifere n'onkanda
bonda « Buku di'Esambu » nd'Iphadi.

oo00oo

YESU WE NKANGA END'ETEMA

The Great Physician

1. Yesu we Nkang'end'etema,
Yakaka yotoikya;
Phophyaka bembe bendiso,
Okyak'etem'endiso.

Lako dina dinkina
Nd'atei anda banto bya,
Ashimba shenda dina;
Yesu, Yesu, Yesu.

2. Yesu otolekyedi
Nyongo enda loshingo;
Lako Isoke shen'andi,
Isho timedya Yesu.
3. Toyaki la ditombola
Bosukak'ona mpamba;
Tombolanga Yesu Nkumu,
Din'inandi olotshi.
4. Toketshwalomi m'ewedi
Nda wina bond'esuka;
Tokosokama nda loola
Nda ditombola Yesu.

ANDEY'ISHO DISOKAMA

Shall we gather at the River

1. Andey'isho disokama
Na ntando end'ashimba?
Ntando eyadi dilekaka
Ma iyeko ina Ndjambi.

O, tokosokama nkoko,
Na bonkak'ona ntando end'ashimba;
Tokenana la tosoke,
O la Yesu, o l'andjelo bya.
2. N'enkak'ena ntando eiko
End'ashimba elekola,
Tokoyala la boshadu
Nda ditombolaka Ndjambi.
3. Nd'oso totokondjwe nkoko,
Tokamby'edito bendiso;
Tokophidwa shenda Yesu,
Tokulama okandi mpiko.
4. Isho tokokundjwa phwaphwa,
Lokendo lophala l'etali;
Betem'endiso bekowa
La boshadu eusa nkoko.

YESU L'EMI LOLANGO

Jesus loves me

1. Yesu l'emi lolango,
Bonkanda bonsangela;
Andi yokak'anto bya
Lolango lolekola.

Yesu l'olango,
Yesu l'olango,
Yesu l'olango,
And'aonsangela.

2. Nkumu Yesu ma loola
Oyakaki elengi;
And'awaki nd'osongo,
Yikya banto ban'embe.

3. Yesu l'emi lolango,
Ayadi dimpalaka;
O l'iyani o l'otsho,
And'aphungi dimpala.

4. Yesu l'emi lolango,
Aokontomba nda loola;
Andi aphonngolemwa
Dinkondodya okandi.

ELENGELENGI YESU

Glory to His Name

1. Elengelengi Yesu Bosukako
Awaki nd'osongo na motshi,
Aolena elu itosukaka;
Tophwaki Yesu.

Tophwaki Yesu,
Tophwaki Yesu,
Aolokya betema bendiso,
Tophwaki Yesu.

2. Yesu alanga itosukaka,
Aoledya betema bendiso,
Ambophophya baoi bauma,
Tophwaki Yesu.
3. Loyakaka ele Bosukako,
Limedyaka baoi banandi,
Loyatshiki nd'akat'anandi;
Tophwaki Yesu.

WE ETOKO END'OLOTSHI

Come Thou Fount of every blessing

1. We Etoko end'olotshi,
Okyak'otem'onami;
Ishei inde, o l'olango
Baphongoshila diiyo.
Ondekyak'ikotombola
La nyembo ind'olotshi;
La yuteya elonga too
Ind'iyota indawe.
2. Onkaki mpamba endawe,
Ontanaki na mboka;
Win'onkina ndokokundjwa
Nda bola bonda loola.
Yesu ondasaki bolo,
Akimi nd'aph'olotshi;
Ondotshweki nda bewedi,
Aondesela lomo.
3. Emi la nyong'enonene
Djoi ind'ishei indawe;
Lembaka botem'onami
L'ekuru bend'olango.
Emi bodu, we yeyaka,
Ankutshalom'ontonyi;
Kolaka botem'onami,
Ndoyalesa ele we.

SOLAKA BOMB'ONAMI?

What can wash away my sin?

1. Solaka bomb'onami?

Nda bolongo bonda Yesu;

Endas'otem'onami?

O bolongo bonda Yesu.

Etoko end'olo

Onsolaka emi;

Nshoyala nd'olotshi

Nda bolongo bonda Yesu.

2. Ale yiko enami?

Nko bolongo bonda Yesu;

Ondekedya nyongo no?

Nko bolongo bonda Yesu.

3. Onkaya wee win'one no?

Nda bolongo bonda Yesu;

L'oshadu bond'otshwako?

Nda bolongo bonda Yesu.

DINA INA NKUMU YESU

Take the name of Jesus with you

1. Dina ina Nkumu Yesu

Yeyaka dikotana,
Diko dikosalanganya
Betsho beumela bya.

Bolotshi! Bolotshi!
Dina ind'Oasukako!
Bolotshi la bolo,
Din'ind'olotshi, Yesu.

2. Dina ina Nkumu Yesu

Dile oshena nguwa,
Akokutshalom'ontonyi
Yesu aokoita.

3. Dina ina Nkumu Yesu

Dilekol'aina bya;
Diphoyadi din'inkina
Dindeya dikosuka.

4. Anenalomi'iso Yesu

Nda loola oka Ndjambi,
Tokokay'andi elonga
L'oshadu bond'otshwako.

YESU BOSUKAKO

I need Thee every hour

1. Yesu Bosukako,
Tokendak'etali;
Yakaka ntutama,
Ndjadi dikasaka.

Ontshutshi, Bosukako,
Emi mpa la mpamba;
Onkaki mpamb'endawe,
Ndjaki ele we.

2. Em'ikosambaka
La wina la wina;
Yakaka iyango,
Onsalanganyaki.
3. Ayakalomi we
Bembe bekoluta;
Ndokokotombola
We Nkumu enami.
4. Yesu, ondekyaki
Nko djoi indawe;
Onsukak'emi ma
Baoi ban'embe.

ISOKE INDA BOLOTSHI

What a Friend we have in Jesus

1. Isoke inda bolotshi,

Yesu ale Isoke;

Isoke la Bosukako,

Andi l'anto bya ishei.

Andi diphophyaka bembe

Ma betema bendiso;

Isoke inda bolotshi,

Yesu ale Isoke.

2. Betem'endiso belela,

Satan'aotokutsha;

Yesu yeyaka dikembya

Bane basoimedya.

3. Yesu Isoke bolotshi,

Yeyaka baoi bya;

Ish'anto topha la mpamba,

Tokend'el'andi phwaphwa.

Yesu Bosukako Yalaka Ntutama

Jesus stand among us

1. Yesu Bosukako
Yalaka ntutama
Tolanga yokaka
Djoi inde el'isho.

2. W'oyadi ma loola
Toma tonda lomo;
We otoleshaka,
Tokokinda diiyo.

3. K'isho tokokenda
Na mboka la mpamba;
Isho tolindedya
Djomba bya ind'oto.

4. Win'oyakalom'e
Boyadi ntutama;
Tokokena mele,
Yesu Bosukako.

TOKOTOMBYA WE

Revive us again

1. Tokotombya we, Bosukak'ondiso,
Otookaaki mposa, otowelaki.

Aleluya we Nkumu! Aleluya diiyo!
Yesu Kilisto Bosukako,
yakaka phwaphwa.

2. Tokotombya we, wina bombophuwa,
Widima bokenda, iyan'iyala.
3. Tokotombya we, Bowedi bondiso,
Oshidyaki bembe, otosolaki.
4. Tokotombya we, w'otolodyaka bya,
La Nyuma endawe la lolango too.
5. Tokotombya we, Bowedi bondiso;
Ayakalomi we, tokokenaka.

LOKODYAK'ANDJELO BEMBA

Hark the Herald Angels sing

1. Lokodyak'andjelo bemba,
"Lotombolaka Yesu;
Wee na motshi o l'olango,
Ndjambi ayadi l'isho."
Banto losalanganaka,
Lembaka nyemb'ind'olotshi;
Lembaka l'andjelo bya,
"Bosukako amboyotshwa."
Lokak'andjelo bemba,
Ditombya ele Kilisto.
2. Ditombya ele Kilisto,
Yesu, Nkum'enda diiyo;
Andi oyalaki Bonto,
Bon'ona Ndjambi menge.
Andi otshikaki loola,
Aolen'elu na motshi;
Otekyaki Satana,
Nkumu Yesu, Imanwele!
Lokak'andjelo bemba
Ditombya ele Kilisto.
3. Lophwaka Nkumu endiso,
Win'onda yotshw'onandi;

And'aotokaya lomo
O l'oshadu botshwako.
Tolesi betem'endiso,
Ele Bosukako Yesu,
And'otoshikolaki
Ind'itoshashadya diiyo;
Lokak'andjelo bamba
Ditombya ele Kilisto.

LOPHIKAKA NKUMU

All hail the power of Jesus' name

1. Lophikaka Nkumu Yesu,
And'ayadi Nkolo;
Bandjelo bashumye baongo,
Lophwaka Nkumu.
2. Iny'aki banto ban'embe,
Ko inyo lotshongwa.
Lokaka Yesu elonga,
Lophwaka Nkumu.
3. Beye banto bankuma bya
Bosako bonandi;
Ishei la mpamba enandi,
Lophwaka Nkumu.
4. Tokosukama nda loola
La Nkumu botshwako;
Tokemba nyemb'inda diiyo,
Lophwaka Nkumu.

NEMU BONI

O for a thousand tongues

1. Emi ndasa nemu boni
Ind'itombya Yesu;
Bosako o l'olotshi bya
Bonda Yesu Kilisto.

2. Ontan'inda ditshangola
Bosak'ond'olotshi
Nd'atei an'anto bauma
La mpamba enandi.

3. Yesu, bolongo bondawe
Botoshikolaki;
Boyela boshadu phala
L'iyani la lomo.

4. Nkumu Yesu dishidyaki
Bembe bendiso bya;
Bolongo bonandi bolo
Bonda disol'anto bya.

YESU NKUMU TOSUKAMA

Jesus Lord we come together

1. Yesu Nkumu tosukama
Nda lolango londawe;
W'ombotoyela ondoko
Ind'itotshumy'iyota.
2. Totshika m'okong'ondiso
Baoi bana motshi bya;
Lolango lotolembola
Eteny'ephoko la we.
3. Isho tokophwa ondoko,
Tola mampa nd'os'onde;
W'ophonguta yotshwa nd'elu;
W'ondetshwaki m'ewedi.
4. Lolango lelekolaki;
Loko lotowelaki;
Etambene la elonga
Tomela vinyu ene.
5. We ditosalanganyaka
L'oshadu bonda loola;
Totombola din'indawe,
W'otokaya lolango.

6. Isho tombosalangana
Yulama nd'os'ondawe;
Yokophwa, yokotombola,
La yoka djoï indawe.

TOTOMBOLE BOSUKAKO

Praise the Saviour

1. Totombole Bosukako
Yesu, On'ole nda loola;
Phe nko m'el'andi boyoyi
Bouma bolotshi.

2. Tookaya betem'endiso
O la djomba bya, la mpima;
Tookambele o l'otshwako,
Isho banandi.

3. Dina ind'olotshi Yesu
Ditokaya o la mpamba,
O la wanya bonda yuna
Boshel'onandi.

4. Timedyaki Nkolo y'iso,
Andi aphotshitshingani;
Etambene o la diiyo
Ale l'iyota.

5. Lako yeya yimol'ane
Bandoka Yesu lolango,
M'ele Bowedi ondiyo,
Nkolo y'olotshi.

6. Shene Nkumu, ototane
Diphotama la we diiyo;
Elengi ndi tokokundjwa
Nda lodu londe.

BOWEDI, TOLANGA DIKOYELA

Saviour we long to follow Thee

1. Bowedi tolanga dikoyela,
Otokaak'etema
Benda diphedya baoi bauma
Bana motshi ine.

- 2 Toyadi bandawe etambene;
W'oshila ditikya;
W'ototshweya nd'iyotshwa indawe
Nda lolango londe.

3. Nyum'end'Olotshi aototshumya
Lolango lond'Apha;
Aolilama nd'etem'endiso,
Ind'itosambaka.

4. W'ondetshwaki m'ewedi la mpamba,
W'otoshikolaki;
Toyadi la we eteny'ephoko;
Tombokola lomo.

5. Otekyaki mpamba enda lomo
Londawe nda loola;
Isho tulami ane na motshi
Bandawe soosolo.

DIN'INDAWE YESU NKUMU

Jesu how much Thy name unfolds

1. Din'indawe Yesu Nkumu

Iyadi bolotshi;
Lako dinkina na motshi
Ashimba shend'ine.

2. Akiwe ane na motshi

Ndjambi onenyaki
Nda lomo londawe louma,
L'aoi and'ashimba.

3. W'oyadi la lolango too,

Aye w'otshingaki;
Djoi inda bembe ben'anto;
La we olelaki.

4. W'otokela nkula bombe,

Aye we owaki;
Djoi inda bembe bendiso;
Isho tokimedya.

5. Totombola din'indawe

Nd'etema bendiso;
Tokophwa nko din'indawe
Botshwako, botshwako.

1. Nkumu isho tombophwa
Lokonyo londawe,
Akiwe wenak'elu
Nd'osongo elengi;
We mel'otowelaki,
We Nkolo ya lomo;
Bolongo bolutela
Bonda ditikya bya.
2. Nkumu we ondetshwaki,
W'otekyak'ewedi;
We ophonguta diwa,
W'oyadi nda loola.
We Nkolo ya ekelezia,
Nkumu en'ankumu;
Tokosokama la we
Oka Ndjambi diiyo.
3. Ish'abatisamaki
Nd'ewedi bondawe;
Toletshwa la we phyophyo
La lomo lond'oto;
Tolang'ikila bombe
Betsho bendiso bya;
Isho tolang'iyonga
Nda djoji inde diiyo.

YESU AOTETA ANE

Hail, Thou once despised Jesus

1. Yesu aoteta ane
Ind'itosalanganya,
Ditokaya djong'inandi
O l'olongo bonandi.
And'aolutel'olongo,
Aolesa djong'ind'olo;
Alad'iso Bosukako,
Tophwak'ewedi bonde.
2. Tophwaki Bon'ona Ndjambi;
We oyalaki Bonto,
W'oyaki la loshilingi,
W'otekyaki Satana.
Tophwaki elu endawe,
La bewedi nda bosongo;
Aladiso Bosukako,
Tophwaki yetshw'endawe.

LETSHWAKA INY'ASI KILISTO

Awake each soul

1. Letshwaka iny'asi Kilisto,
Lomemyaka Nkumu;
Tophik'iyota inandi,
Ale Bon'ond'Apha.

2. Bomele ale Botongi
Bonda baomba bya;
Andi oyakitedyaki
Nd'olango l'onene.

3. Isho banto tophokusi
Yeledy'olang'one;
Lako bonkina shenda we,
W'ombalekola bya.

LA DIYOTA DIND'IPHEPHA

Amazing Grace

1. La diyota dind'iphepha
Yesu onsukaki;
Ndolungusana elengi,
Ko an'ondasaki.

2. Ishei inand'ind'iphepha
Ilimol'ophodu
M'atei and'otem'onami,
Aonkaya lomo.

3. Ndjambi aonkelel'olotshi;
Bonkanda bonandi
Ngau ena mpamba el'emi
Elengi nd'ewedi.

4. Ashilalomi lokendo
N'ase na motsh'ine,
Ndokoyokundjwa nda bola
Bonda wee l'ashimba.

NGRES'END'IPHEPHA ENA NKUMU

Grace greater than our sin

1. Ngres'end'iphepha ena Nkumu,
Ngres'elekola bemb'endiso;
Mpiko nd'osongo nda bokoto
Boki Yesu atowelaka.

Ngresa, ngresa,
Ngres'enda yedya betema bya;
Ngresa, ngresa,
Ngres'ena Ndjambi el'ish'anto.

2. Bembe l'ilelo o l'okonyo
Yasak'iphit'otem'onami;
Ngres'elekola l'epheyani
Etotshumya mbok'enda yika.
3. Isho topheyi yisha bembe;
Emb'ekotosola eleko?
Lophalak'olong'onda Yesu
Bolutel'inda ditedya bya.
4. Ngres'end'iphepha iphoshili,
Ikokak'el'asi yimedya;
Balanga yen'elong'enandi
Baokishola ngres'enandi.

BOWEDI, TOMBOSUKAMA

Saviour, unto Thee assembling

1. Bowedi, tombosukama
Nda dina inde;
Tokuteya elonga too
L'imemya phala.
W'ondotookaki lolango,
W'otosukaki;
Isho tokoshumy'aongo
Tokophik'ane.
2. W'onenaki loshilingi,
Elu nd'ewedi;
W'ototonyaki insonyi,
Toshashal'ane.
W'ondudi nkoko nda loola
Ok'Isho Ndjambi;
Sheko tolanga dikophwa
L'imemya phala.

LOPHWAKA BOSONAMI

Hail to the Lord's anointed

1. Lophwaka Bosonami,
Bon'onda Davidi!
Ayakalomi wina
And'aokenama;
Aokimol'antamba
M'akat'an'antonyi;
La yaphemela motshi
L'ilang'in'onanwa.
2. Andi aokoyaka
La ngedingedi bya;
Baish'aokoena
L'ashimba enandi;
Betshwalo bekoyala
Ane na motshi bya,
Ko anto baokonga
L'oshadu soosolo.
3. Bankumu baokoomemya,
La yela belambo;
Benanga bena motshi
Baokoembela;
La waphemel'onandi
Bokonon'onene;
Bant'aokoimedya
Nkumu en'ankumu.

YESU WE NKUMU

Jesus our Lord with what joy

1. Yesu, we Nkumu, isho tosukama
Nd'os'ondawe la boshadu phala;
Tomboya ane d'iyokotombola,
Bosoka Ndjambi, ophikamaki.
2. W'otekyaki bewedi la Satana;
W'otophophedyaki bemb'endiso;
Sheko tokotombol'ane win'one,
Tokuta dikomemya nda loola.
3. We On'on'Onkoko odiakamaki,
We dikokaka yamba dimemya;
O l'iyonga, mpima la waphemelo,
Tokotshwakola Nkumu botshwako.

YESU, ISOKE INDA SOSOLO

No, not one

1. Yesu Isoke inda soosolo,
 Isoke, Isoke.
 Andi l'ishei phala el'ish'anto,
 Isoke, Isoke.
 Yesu, end'Isoke olotshi,
 Ayadi ditolangaka;
 Yesu, Isoke inda botshwako,
 Isoke, Isoke.
2. Yesu, Bowedi ditolangaka,
 Bowedi, Bowedi.
 And'owelaki anto nd'osongo,
 Bowedi, Bowedi.
 Yesu, Bowedi bond'ashimba;
 And'ayadi yikyak'anto;
 Tophoyadi l'Owedi bonkina,
 Bowedi, Bowedi.
3. Yesu ale Nkumu ya soosolo,
 We Nkumu, We Nkumu.
 We yeyak'aoi andiso bauma,
 We Nkumu, We Nkumu.
 Yesu Nkumu enda soosolo,
 La lolango l'iyota too;
 W'ondolekola Satana mpamba,
 We Nkumu, We Nkumu.

NKUMU AOKAPHEMELA

Jesus shall reign

1. Nkumu aokaphemela
Benanga ena motshi bya;
Waphemel'onandi bokophula
Elengi ndi nshong'eshila.
2. Bankum'aokosangana
M'asi benanga l'enanga,
D'iyomemyaka Nkumu endiso,
La yoka bosak'onandi.
3. Banto baokotombola,
Baokembelaka nyembo;
Djoi ind'olang'onandi el'iyo
Baokoophika botshwako.
4. Anto l'anto na ndaka bya
Baokey'iyot'inandi;
O l'ana mpou baikophika
Dina ina Nkumu Yesu.

PHALAK'OSONG'ONDA YESU

O Jesus I have promised

1. Phalak'osong'onda Yesu,
Bosukak'ondiso,
Mpiko la Ngolangota
Nda Yelusalema;
Yesu awaki mpiko
Inda ditosuka,
Ind'itokaya lomo,
Yiko enda diiyo.
2. Boshidi bokokaki
Bond'itoshikola;
Win'oyaki widima
Na motshi inkuma.
Bokumb'onda tempelo
Bolatsha nd'atei,
Ind'isho yena mboka
Phololo el'andi.
3. Bolongo bond'Owedi
Bolutela mpiko,
Bond'iphophedya banto
Baph'olo andiyo;
Isho tombaya lomo
M'ele Yesu, Nkumu;
And'owelaki banto
Inda Yasukaka.

4. Aleluya we Nkumu,
Nko we Bosukako;
Aleluya We Nkumu,
Tombotshwa nda lomo;
Aleluya we Nkumu,
Bowedi bon'anto;
Aleluya we Nkumu,
Tombokotombola.

YESU, WE NKUMU ENDISO

Jesus, the very thought of Thee

1. Yesu, we Nkumu endiso,
Isho tokophika;
W'ombotokelel'olotshi,
W'ombotolembola.

2. W'otowelaki bewedi
Nda kurus'end'elu,
Ind'ish'anto ande yika
M'akat'an'antonyi.

3. Toki bentamba benandi,
La tookambelaki;
We Bolembodi bondiso,
W'otolembolaki.

4. W'ototshweyaki l'olango
Nd'iyotshw'ina Ndjambi;
Tomboyala ban'anandi,
Botongi onda bya.

5. W'ombotokaya mpamba bya
Nd'etema bendiso,
End'ikela sh'elangawe,
La dikoshashadya.

6. Nkumu, isho tokophika;
Elonga ele we;
W'ole Bontanyi bondiso,
Am'Isoke menge.

TOPHIKAKI YESU

We bless our Saviour's name

1. Tophikaki Yesu,
Aolimol'embe;
Aotowela na motshi,
Ayadi nda loola.
2. We Yesu, tokophwa;
W'ondotolangaki;
Lwemb'ondiso ane n'ase
O nda loola diiyo.
3. Ototshumye mboka;
Tokooyeli diiyo;
Kembyak'el'isho djoi ine;
"Lophongak'indophwa."

BOWEDI ONTSHUTSHAKI

Near the Cross

1. Bowedi ontshutshaki
Ntutama, ndokoonda;
Ma kuruse embola
Mpamb'enda dindikya.

Nda kurus, nda kurus,
Ndokishola lomo;
Nd'esuka ndokokenda
Okiso nda loola.

2. Ko ntutama la kurus
Lolango lontana;
Yesu, Bosoka Ndjambi
Ankundodya ane.

3. Ko ntutama la kurus
Amanaka l'emi;
Dididing'inda kurus
Dinkukaki nd'otsha.

4. Ko ntutama la kurus
Emi ndolindedya;
Nshekama ele Yesu
Ind'ikundjw'okandi.

AYAKALOMI BONDIKYI

Jewels

1. Ayakalomi Bondikyi
Diyosangany'anto;
Ban'anandi too l'olango,
Andi yaasaka.

Shenda totshi nda botsho,
Nda isuku inandi;
Baokopheta okandi
O ngedingedi.

2. Aokosangany'aiko
Baowana l'andi;
Bayadi l'etema phitoo;
Andi yaasaka.

3. Bana mpou anda totshila
Bandooka lolango;
Baolamba djoi inandi
Bale banandi.

YESU AWAK'IND'IKOSUKAKA

There's power in the Blood

1. Yesu awak'ind'ikosukaka;
Bolong'onandi ama mpamba
Enda dikophongela botema
L'aisho banandi menge.

Mpamb'eyadi, mpamb'end'iphepha,
El'andi, Bowedi;
Mpamb'eyadi, mpamb'end'iphepha,
Nda bolong'onda Kilisto.

2. Yesu ilembolaka bantamba;
Bolong'onandi ama mpamba
Yeyaka dilekola bembe bya,
Andi aokokotana.

3. Nda dikambela Yesu bolimo,
Ekamaka bya nd'ol'onandi;
Tombolaka Bosukako Yesu
La bolongo bond'Owedi.

EMI MBOSALANGANA WIN'ONE

Jesus loves even me

1. Emi mbosalangana win'one,
Djoi ina Ndjambi imboy'el'isho,
Diyoteky'aoi banda diphepha;
Lolang'onandi lombolekola.

Yesu ayadi dinangaka
L'olango londa soosolo;
Nshosalangana betsh'enkuma,
Yesu aonanga.

2. Nkula nshophela, nkula nsholemvwa,
And'inangaka la win'a wina;
Ndokuta nd'akata and'iyota,
Andophwalom'emi and'ananga.
3. Anenalom'emi Yesu Nkumu,
Anambalom'andi dimemya bya;
Emi ndokoembela lwemb'one,
Djoi ind'iphepha and'aonanga.

BOWEDI EMI N'ANDJA

Let Him in

1. Bowedi emi n'andja, ootshweyaka;
Asa botem'ondawe, ootshweyaka;
Imedyak'andi phwaphwa,
Ootshweyak'Oasukako,
Bosoka Ndjambi, Apha, ootshweyaka.

2. Lesaka andi djowa, ootshweyaka;
Nda botema bondawe, ootshweyaka;
Yesu ende Isoke,
W'olanga andi yotshwa?
Sheleko w'ombophedya? Ootshweyaka.

3. Okaka djoi inandi, ootshweyaka,
Imedyaka win'one, ootshweyaka;
Okaaka etetenyi
Nd'otem'onde win'one,
Aokokoshashadya, ootshweyaka.

4. Nkolo ya lomo nk'andi, ootshweyaka;
M'ele Ndjambi endiso, ootshweyaka;
W'oyadi bophay'ane,
Nd'atei ana motsh'ine,
W'okokenda nda loola? Ootshweyaka.

NKUMU YESU AOTETA

Jesus calls us

1. Nkumu Yesu aoteta
M'emb'endiso beuma;
Isho tooka djoï inandi
Mbo; "Loyaka, londjeli."

2. Nkumu Yesu aoteta
Ma baphopho bauma;
O l'aoï batophita,
Mbo; "Loyaka, londjeli."

3. Nkumu Yesu aoteta,
Toki djoï inand'ine;
Toyaes'el'andi diiyo,
Toolangi la tooyeli.

YAKAKA BONT'ON'OMBE BYA

Only trust Him

1. Yakaka bont'on'ombe bya,
Ndjambi la we ishei,
Aokokokaya yutsha,
Yakaka win'one.

Yakak'el'andi l'oshadu,
Imedyak'andi;
And'alanga dikosuka,
Yakaka phwaphwa.

2. Nkumu awaki nda kurus
Inda dikotana;
Imedyak'olong'onandi
La w'okophidwa phee.
3. Yesu ayadi soosolo,
La mboka la lomo;
Otshweyak'andi nd'otema,
Aokokaya wee.
4. Yakak'iyala bonandi,
Isok'inda Yesu;
And'aokokokitshela
Iyeko okandi.

YESU, WE NKUMU

Draw me nearer

1. Yesu, we Nkumu, emi ndoloka
Djoi ind'olang'ondawe;
Emi nang'iyala la yimedya
Ind'itutam'ele we.

Ontshutshaki, we Yesu Nkumu,
Mpen'ekiwe awaka;
Ontshutshaki phwaphwa ele Yesu
Bosukako bonami.

2. Emi nanga dikokambelaka,
Onkaki mpamb'endawe;
Okyak'otema, bok'okokaki
Dikela sh'elangawe.
3. Boshadu boyadi nd'otema too
Nkina ntutam'ele we,
La totephelana, emi la we,
Isoke la isoke.
4. Akundjwalomi win'ond'ewedi,
Ndokeya lolango too;
O la boshadu bond'olekola
Nda yulama okawe.

YESU BOSUKAKO O L'OPHADI

Saviour, like a Shepherd lead us

1. Yesu, Bosukako o l'Ophadi,
Toyadi dikasaka;
Otokembyaki na mbok'endawe,
Otoleshe la toma;
Yesu Kilisto, Bosukako,
W'omboyotolebola;
Yesu Kilisto, Bosukako,
W'omboyotolebola.
2. Isho tokokay'etem'endiso,
We Isoke in'anto;
Otophopheyaki bemb'endiso,
Tshikalaka ntutama;
Yesu Kilisto, Bosukako,
Otookaki, tokootsha;
Yesu Kilisto, Bosukako,
Otookaki, tokootsha.
3. W'otolakak'itokol'ele we
La mpamba o l'olango;
Sheko isho toambokeya, Nkumu,
We Botongi la Nkolo;
Yesu Kilisto, we Bowedi,
Tomboya etambene;
Yesu Kilisto, we Bowedi,
Tomboya etambene.

4. We Bonkayi bonda lomo munge,
Otekyaki dikamba;
Lolango londe lombolekola
Lolango lon'anto bya:
Yesu Kilisto, we Bowedi,
Otolodye l'olango;
Yesu Kilisto, we Bowedi,
Otolodye l'olango.

MBOKOOKA LOLANGO

My Jesus I love Thee

1. Mbokooka lolango, Yesu enami;
Baoui ban'embe, mbales'auma;
Bowedi bond'olo, o l'Osukako,
Ndolekola dikooka lolang'onda phala.
2. Mbokooka lolango, wombonang'emi;
Nko we ondekedyaki nyongo enami;
W'ondokel'ephephe end'aeki
nd'otsh'onde,
Ndolekola dikooka lolang'onda phala.
3. Ndokokolanga elengi ndi bewedi;
Ndokokophika ayal'emi la lomo;
Awalom'emi Yesu, utaka dinsangela,
Ndolekola dikoka lolang'on'onene.

W'OYADI DJOI INDA DIIYO

Thou art the everlasting Word

1. W'oyadi Djoi inda diiyo
Ondishola Apha,
La lolango lotook'andi
Shen'ekolang'andi;
We ikokak'iphikama,
We ikokak'imemyama.
2. Nda djong'inde na motsh'ine
Aph'atshumyamaki,
L'iyota o l'olango too,
L'onene onandi;
We ikokak'iphikama,
We ikokak'imemyama.
3. Baoi ande bandishwama
Baotolekola;
Phe nko Ndjambi dikusaka
Dikolimitela;
We ikokak'iphikama,
We ikokak'imemyama.
4. Toyadi la we lolango,
Koko Ndjambi menge
Ayadi l'isho lolango
Lond'itotshwakola;
We ikokak'iphikama,
We ikokak'imemyama.

5. Akundjwalom'isho mpiko,
Nd'itombya indawe,
Tokokena shend'Iyani
Ipheta nda loola;
We ikokak'iphikama,
We ikokak'imemyama.

TOPHWAKI YESU BOSUKAKO

Praise Him, praise Him

1. Tophwaki Yesu Bosukako bondiso!

Toophikaki la nyemb'ind'oshadu!

Andjelo anda loola lootombolaka,

Lomemyaka din'inda Bowedi!

Andi Bophadi, and'aokotophala

O l'iyani o l'etsho beuma.

Tomemyaki! Tosang'osak'onda yiko,

Totombolaki l'etem'endiso!

2. Tophwaki Yesu Bosukako bondiso!

And'awaki enda ditosuka;

And'Iyoko o l'Ekutshel'enda lomo,

Tomemyaki din'inda Bowedi.

Toophikaki, and'ale lwemb'ondiso,

Aotolanga l'olang'oleki;

4. Tophwaki Yesu Bosukako bondiso!

Andjelo bayadi yophikaka;

Yesu mele aokaphemela banto;

Lomemyaka din'ind'Osukako.

Andutalomi Yesu Kilisto na motshi

And'aokalol'aoi ban'anto.

WE NDJAMBI APH'ENDISO BYA

Dear Lord and Father of mankind

1. We Ndjambi, Aph'endiso bya,

Otokaaki mpima;

Ototshumyaki bolimo

Ond'iso dikokambela,

La dikoshashadya.

2. Sh'eki baeki band'oso

N'ompandje bond'ashi;

Timedye djoi ina Nkumu,

Tokende n'enang'euma,

Lako la dikodi.

3. Otokaaki wee nd'etema,

Imol'okakano;

Ototanaki betsho bya

L'iyal'anto la soosolo,

L'iwana la Kilisto.

4. Ish'ane l'eteny'ephoko,

Otephele l'isho;

Ototshumye sh'elanga we,

Otokembyaki nd'etema,

Tekamak'ele we.

OLOTSHI, OLOTSHI

Holy, Holy, Holy

1. Olotshi, Olotshi, Ndjambi Olotshi!
Tokomemya la nkesa la dikolo bya;
Olotshi, Olotshi! W'oyadi l'iyota,
Ndjambi, Yesu la Nyum'end'Olotshi.
2. Olotshi, Olotshi! W'oyadi la mpamba,
Banto andawe bya dikotombolaka;
Olotshi, Olotshi! W'oyadi nda loola,
Andjelo dikophikaka nkoko.
3. Olotshi, Olotshi! W'ondoyadi Nkumu,
Djomba bya na motshi dikotombolaka;
Olotshi, Olotshi! Lak'ikolekola
La mpima, mpamba nkina lolango.

NKUMU, ISHO TOSUKAMA

We gather in Thy name O Lord

1. Nkumu, isho tosukama
D'iyokophik'ane;
Tolanga imemy'indiso
Dikomana la we.

2. Bolong'onde bokokyaki
Ban'and'iyani bya,
Ind'ish'itutam'ele we
L'olotshi bondawe.

3. Bolong'ondawe la mpamba
End'iphonga mboka;
Toyadi la wee nd'etema;
Tshwekama ele we.

4. Tokophika nda mes'one
La Nyuma soosolo;
Basi yimedya antolo
Yeyaka dikophwa.

YESU AOLETAMA

Christ arose

1. Yesu aoletama nko nda ekundu,
Adil'etetenyi enda yetshwa.

Kilisto aoletshwa
M'ewedi la mpamba enandi,
Mpamb'enandi elekola ekundu,
Andi Nkumu nda waphemel'onandi;
Soosolo, soosolo, Kilisto aoletshwa.

2. Baphadi baophal'ekund'iko,
K'iy'atena yetshwa ena Nkumu.
3. Ekundu eteya dikata Yesu,
Yesu aolekola bewedi.

O SHEND'ELANGA WE, BOIKYI

Have Thine own way

1. O shend'elanga we, Boikiyi!
W'ende Botongi, emi bona;
Ophongaki botem'onami,
Shend'edil'emi, Bosukako.

2. O shend'elanga we, Boikiyi!
Onkembyaki nd'otem'onami;
Ondokye etambene, Nkumu,
Shend'edil'emi, Bosukako.

3. O shend'elanga we, Boikiyi!
Bodito boyadi nd'otema;
Mpamba bya eyadi ele we
Bolebodi, onembolaki.

OTEKYAKI LOLANGO LONDAWE

O teach us Lord Thy searchless love

1. Otekyaki lolango londawe,
W'ondowaki;
Ototshumyaki mputa n'ompandje
O nd'akata;
Betem'endiso belolaki too
L'oshadu bonda dikotombola.

2. Nd'ewedi bokiw'otowelaka
W'ombishola
Lolang'ond'Apha Ndjambi el'isho,
Ban'anandi;
Andi ditolangaka l'olango
Sh'ekolang'andi we Bon'onandi.

3. W'ondulesaki djongi nd'ewedi,
Bosukako;
W'olutela bolongo m'ompandje
Nda kuruse;
Tolanga dikoshambela ane,
La dikophwa nda mesa ondawe.

YESU TOMBOKOPHWA

We'll praise Thee glorious Lord

1. Yesu tombokophwa
W'ondotowelaki,
Nyembo indiso ondoko
Ilekol'ina motshi.
2. Tophwa lolang'onde
Lond'iphepha munge;
Lotophongelaki lomo,
Toyadi bandawe.
3. Akiwe na motshi
Nd'iyakitedya bya,
Tshwena lolango soosolo
El'asi motshi ine.
4. Bewedi bondawe
Bond'okonyo l'elu,
Bolishola mpamb'endawe
Enda disuka anto.
5. Tophwa yetshw'endawe
W'oluta nda loola,
Nd'adiko an'ankumu bya,
Nd'itombya oka Ndjambi.

6. W'okut'iyokola
Ekelizia endawe;
Isho tokulama la we
Nda lodu londe mpiko.

7. Ko tokodil'ane,
We Nkumu endiso;
Boshadu bonda soosolo,
Diyala la we diiyo.

BONT'ONDA LOKONYO TOO

Hallelujah, what a Saviour

1. Bont'onda lokonyo too

Boki dina dinandi,
Otosukak'isho bya;
Aleluya, Bosukako!

2. Banto andotonaki,

Andudwaki nd'etema;
Aolutel'olongo;
Aleluya, Bosukako!

3. Yesu otowelaki,

Alela nda widima;
Otookak'olango too;
Aleluya, Bosukako!

4. Isho tophitana bya,

And'atoki la yulo;
Aotophophedy'embe;
Aleluya, Bosukako!

5. Ayakalomi Nkumu

D'iyototody'okandi,
Tokoembela nyembo;
Aleluya, Bosukako!

LOTOMBOLAKA NKOLO

O worship the King

1. Lotombolaka Nkolo, Nkumu Ndjei,
Lembelak'andi nyemb'ind'olotshi;
Andi Nguwa, Bophadi l'Olokodi,
Andi la ditombya o l'imemya too.

2. Losangel'anto lolang'onandi,
Banoi bona ndjei bole el'andi;
Nkaki la dikongola ditotshumya
Belimo end'iphhepha ekamb'andi.

3. Andi aototshwakola insonyi;
Ish'ane timedy'aoi anandi;
Andi itookak'ishei in'onene,
Botongi, Bophadi la Bosukako.

BOLONG'ONA NGOMBE

Not all the blood of beasts

1. Bolong'ona ngombe
Bond'asi Yuda bya,
Botophophy'ombe ophoko
Nd'etsho eiko bya.

2. We Bon'on'Onkoko
W'olimola bembe;
Bolong'onde bolecola
Belamb'end'oso bya.

3. Isho tokophw'ane,
W'ototody'odito;
Nd'osong'ona ndekesanya
W'ondotowelaki.

ISH'ANTO BANA MOTSHI BYA

Old Hundred

1. Ish'anto bana motshi bya
Tembeli Nkumu l'oshadu;
Tokeli Ndjambi bolimo,
Toyak'el'andi, toomemya,

2. Andi ayadi soosolo,
Andi bomele Botongi;
Ish'enkoko, and'Ophadi,
Ko andi ditoleshaka.

3. Totshwaki nda wish'onandi
L'imemya o la ditombya;
Tophwaki Ndjambi endiso,
Ko toshashadyaki Nkumu.

4. Andi l'olang'ond'olotshi,
L'ishei in'onene mele;
Djoi inandi ile mpamba,
Dik'ikotshikala diiyo.

WE YESU NKUMU

Fairest Lord Jesus

1. We, Yesu Nkumu
W'oyadi ashimba,
Bon'ona Ndjambi o l'Onto;
Ndokokolangaka,
Ndokokoshimaka,
Bosalangano bonami.

2. Belombo bele
Nd'okonda o l'oshwe,
Bele ashimba nd'aisho;
Ko Botong'ondiyo
Aolalekola;
And'itshitshimyak'etema.

3. Nshongi la wina
Bale ashimba too,
Ko itombya inda Yesu
Diko dilekola
O totshi ashimba,
O l'andjelo banda loola.

TOYAKA ELE WE NDJAMBI

Father, Spring and Source

1. Toyaka ele we, Ndjambi,
Toyala ban'andawe;
W'ototshwakola l'insonyi
Ma lolango londawe;
W'otosokodyaki Wikyi,
Andi phe nko Bon'onde,
Boki la we n'angolelo,
Nd'etongel'ena motshi.
2. Esangy'ende end'olango
Embeyama el'anto,
Ind'isho yulama diiyo
Nd'okphulak'onda loola.
Lak'ewedi nkula lomo,
Lak'emba enkina bya
Yeyaka ditolamola
M'ele Yesu Botanyi.
3. Aph'endiso, tokomemya,
Isho tokwa nd'os'onde;
W'oshila ditolembola
M'akat'anda Satana.
Ndjambi, isho tolindedya
Ditombya ind'otshwako;
Tokena Yesu nda loola,
Tokootombola diiyo.

ND'ATEI AND'EKAKAY'ENE

Of all the gifts Thy love bestows

1. Nd'atei and'ekakay'ene

Ekiso wambaka,
Bok'olekol'enkina bya,
Bolong'onda Yesu.

2. O l'andi ditokayaka

Mpim'enda yimedya;
Lako nd'iyota dinandi
Tshika tophitana.

3. Tokokoshima botshwako

Nd'iyani o l'otsho;
Boshadu bole m'el'andi,
Mpima o la mpamba.

KILISTO, NDA WIN'OIKO

On that same night Lord Jesus

1. Kilisto, nda win'oiko

Akiwe awaka,
Elu la loshilingi
Bayaki ele we;
W'osangaki djoi ine,
"Inyo, londophwaka."
Soosolo, la boshadu
Tokela djoi ine.

2. W'otekyaki bewedi,

W'oletshwa ma nkoko;
W'olulela nda loola,
Nkumu enda lomo.
Isho tolembolama
M'ekuru en'embe;
L'osalangano munge
Isho tombokophwa.

3. Ayakalom'e Nkumu

Ind'itokolola,
Inda yulama la we
Nd'iyani botshwako,
Tolang'iyala n'ase,
Bayedi andawe;
Dikela sh'elangawe
La dikophwa, Nkumu.

WE OTOWELAKI

O Lord, we adore Thee

1. We otowelaki,
Nkumu enda lomo;
W'oyaki, w'oyadi
La w'okoyala;
Isho tokophika,
W'omel'otikyaki;
W'otoshikolaki
La bolong'onde.

2. Ndjambi, tomimedyā
W'olekol'onene;
Botongi bondiso
O l'ona ndjei bya;
W'otooka lolango,
W'otook'okesedi;
Toshashal'ele we
Ane la diiyo.

LOMBOKA DOJOI WIN'ONE

Come believing

1. Lomboka djoi win'one
Inda Yesu, Bowedi;
And'o mele aoloonda,
Imedyak'etambene.

Loyakaka, Loyakaka,
Loyakaka el'emi;
Loyakaka, Loyakaka,
Loyakak'iny'anto bya.
2. Lombodila betsho l'etsho,
Lotoyales'el'andi;
Lotutak'inyonya Nyuma,
Limedyaka win'one.
3. Boikiyi emi ntutama,
Aoleta l'olango;
And'alanga dilosuka,
Limedyak'etambene.

MA L'ONTAMBA O LA WIDIMA

Jesus, I come

1. Ma l'ontamba o la widima,
Tomboya ele we Yesu;
L'oshadu bond'olotshi menge,
Yesu, isho toya.
Ma nkang'indiso inkumela,
Tombetshwa na mpamba endawe;
Ma l'osudu bond'asi motshi,
Yesu, isho toya.
2. Ma nsonyi o la ma yunga bya,
Tomboya ele we Yesu,
Nda waphemelo bona Ndjambi,
Yesu isho toya.
Ma bodyaleng'ona motsh'ine,
Totshwa nda wee bonda soosolo;
Ma mbalako o la m'embe bya,
Yesu, isho toya.
3. Ma dimemy'aphopho ban'embe,
Tomboya ele we Yesu;
Ma bophodu o la bosudu,
Yesu, isho toya.
M'aph'olotshi andiso n'ase,
Tokotshwa nda loola okawe,
Ntutama la we, Bolembodi,
Yesu, isho toya.

YESU AYADI NKUM'ENAMI

Blessed assurance

1. Yesu ayadi Nkum'enami,
Aomvwela l'elu l'ewedi;
Ndophidwa nd'olotshi onandi,
Mbotshwa ele Nyum'end'Olotshi.

Mbotombola Yesu enami,
Botem'onami boshashala;
Ndooka elong'enda soosolo,
Mboshambela nd'otem'onami.
2. Lolang'onandi, lok'ondikya,
Nanga dikela sh'elangandi;
Baoolimedy'ale nda loola,
Baolika na mpamb'enandi.
3. Lomo lond'oto ole diiyo,
Mbotombola Yesu enami;
Ndasalomo lon'ond'otshwako,
Ishei inandi o l'olotshi.

MBOKOLAKA WE NKUMU

O Jesus I have promised

1. Mbokolaka we Nkumu
Dikela sh'elang'e;
Otutamak'el'emi
Isoke inami;
Nkina w'oyadi l'emi
Mpongoka bophodu,
Ndokokoyel'otshwako
Bolokod'onami.
2. Tshikalaka ntutama,
Bombe omondjela;
Ndolena bekeledi
La djomba din'embe;
Satana dimekaka
D'iyotshwa nd'otema,
Yesu Nkumu oyali
Nguwa en'indikya.
3. Yesu, w'otolakaki
Bayedi andawe
Mbo; Lokotshwa okami
Nda loola botshwako;
Nkumu em'omboyela
Na mpamba m'ele we,
Onkaaki ngresa endawe
Isoke inami.

BOSALANGANO EUSA

Showers of blessing

1. Bosalanganano eusa
Andi otolakaki;
Djomb'ind'olotshi diyaka
Phe nko m'ele Bowedi.

Lolang'onandi,
Toosamba betsh'enkuma;
Mbul'end'ishei embodwa,
Tomboshashala l'eko.
2. Boshadu bonda botshwako
Boyak'el'asi Ndjambi;
Mbul'end'olotshi embodwa
Nd'ishengi dina motshi.
3. Ndjambi otosokodyaki
Mbul'end'osalanganano;
Otokaaki mpamb'endawe,
Ototanaki ane.

YESU OTOWELAKI

As with gladness men of old

1. Yesu otowelaki
Nda lolango lonandi;
Bosak'on'onda yiko
Ombokundjwa el'isho;
La ishei ilekola
Bembe la yung'in'anto.
2. Bolong'onda Bowedi
Bok'itokya isho bya;
Ndjambi aolophela
Bemb'en'anto banandi;
An'imedyalom'iso,
And'aokotosuka.
3. Yesu aolangola
Dikenda nd'os'ondiso;
And'iyotophongela
Bokphulaka nda loola;
Tophonguta yen'elu,
Lokonyo nkin'ewedi.
4. Akokalom'alaka,
And'aokut'iyaka;
Tokokenda el'andi
Nd'ol'onand'ond'ashimba;
Tokulama botshwako
L'osalangano diiyo.

AYEM'APHALA KURUSE

When I survey

1. Ayem'aphala Kuruse
Enda Yesu Kilisto Nkumu,
Diyonga diyadi mpampa,
Nanga dilesa bayumbia.

2. Ompekyed'iphyapheta
Nko nd'ewedi bona Nkumu;
Djomb'iphonguta dinshuma,
Ko yiko ende el'andi.

3. Lokesedi loyadi too
Nd'elongi enda Bowedi;
Ishei inand'ilekola
Iko ind'asi motshi bya.

4. O djomba diuma diphedi
L'oshing'onda lom'onandi;
Diyadi l'em'ilesa bya,
Botem'o la lom'onami.

YESU AYAKI NA MOTSHI

It came upon a midnight clear

1. Yesu ayaki na motshi
Oshenda bona mpou,
And'ayakaki ma loola
L'andjelo anandi;
La wee ele basi motshi
M'ele Ndjambi Apha,
And'omele Bon'onandi
Oyalaki Bonto.
2. Basi mpima bayakaki
M'onang'ond'etali,
Bayel'iyotshi inandi
Andasaki Yesu.
Din'inand'Imanuwele,
"Ndjambi ale l'isho,"
Bosukako bon'anto bya
Ayaki la mpamba.
3. Ish'anto tophwe win'one,
Yotshwa ena Nkumu;
Tokayi Yesu betema
La djomba indiso;
Tokayi Ndjambi elonga,
Botongi bondiso;
Toyaki banto banandi,
Bolangi bon'anto.

TOLEKOLAKI YOK'OPHODU

1. Tolekolaki yok'ophodu,
Ndjambi dikophalaka;
And'aokokuka n'onkoko,
And'ale Bophadi.

Ndjamb'ikophalaka,
And'Ophadi,
Lokendo bya;
And'ikophalaka,
Andi la we lolango.
2. L'olimo nkula l'elu ende,
And'ikophalaka;
O nda lomo, o la nd'ewedi,
And'ale Bophadi.
3. Asamba we djomba na motshi,
And'ikophalaka;
And'aokooka yoond'indawe,
And'ale Bophadi.
4. Ayakal'ekutsha ele we,
And'ikophalaka;
Kendaka l'andi la yimedya,
And'ale Bophadi.

APH'ENDISO, NDJAMBI

The Father sent the Son

1. Aph'endiso, Ndjambi
Osokolaki Yesu
Bon'onandi bond'olotshi
Ele banto;
Iy'andophanyaki
Nda kuruse end'elu,
Andi olesaki lomo
Ind'itikya.
2. Ko mboka end'oto
Edipholam'ane;
Mpen'elutela bolongo
Ale yiko;
Etoko end'ashi
Anda lomo elenya,
Ephurumwa oyololo
La lomo too.
3. Yesu aokuta,
Nkumu en'auma;
Ko nemu bya ikimedyā,
Ikoomemya;
Yesu aokamba
Ditombya inda diiyo;
Andi Bona bon'Onkoko
Aphikami.

LOYAKA TOPHWE APHA

Blest be the God and Father

1. Loyaka tophwe Apha,
Ishe ena Nkumu;
Andi otosonaki
Diyala banandi;
Ind'isho yaya lomo
La diyotutama
L'olango lopheyani,
L'iyot'ind'iphepha.
2. And'osalanganaki
Ditotshutsh'el'andi;
And'aokototshumya
Disangya dinandi;
Atutamalom'iso
Nd'iyeko nd'adiko,
Inda dimemya Apha
Nda loola okandi.
3. Ko win'one todila
Diyutsha nda loola;
Tombeya Ndjambi Apha,
Tole ban'anandi;
Nyuma aototana
Ditombola Ndjambi;
Toka mpos'enda yotshwa
Nkoko nd'os'onandi.

APHA NDJAMBI, TOSHASHIMWA

How great Thou art

1. Apha Ndjambi, toshashimwa soosolo
D'iyen'aomb'akiw'atongaka;
Bekongo o la totshi tond'eusa,
Ditotshumyaka mpamba endawe.

Koko dina inde dilekola;
Dik'ilekola djomba bya;
Koko dina inde dilekola,
Dik'ilekola djomba bya.

2. Tophepha djoi inda w'otoshikola,
W'otosokodya Bowedi Yesu,
Diyotowel'ish'anto baph'olotshi
In'emb'endiso diphophyama bya.
3. Win'ondutalomi Yesu Kilisto
Diyototodya mpene ele we,
Isho tokokokwel'akukumeki,
Tokokomemya soosolo, Ndjambi.

NDJAMBI ENDISO BOLOTSHI BYA

How good is the God we adore

1. Ndjambi endiso bolotshi bya,
Andi Isoke aphonngolemwa;
Iyota inandi la mpamba
Ikotshikala l'isho diiyo.
2. Yesu, Nkolo ya mpamb'enda bya,
Nyum'aokotolokodya diiyo;
Tokokundjw'okandi nda loola
Mpene okiand'akendaka.
3. Toophikaki la nyembo ane,
Tokoomemya la tokootombola;
We Bon'on'Onkoko bolotshi
Bondotowelaki na motshi.

MPEYE DITONDOLA ISHEI

I know whom I have believed

1. Mpeye ditondola ishei
Ina Ndjambi el'emi,
Djoi in'andi onsonaki
Diyala bon'onandi.

Koko, emi la dilindedya
Na mpamb'enandi,
L'ishei inandi;
An'ondakaki soosolo,
And'aokondikya.
2. Yesu ayaki na motshi
Inda ditosuka;
Andi awaki nd'osongo,
Aolola m'ewedi.
3. Nyum'ena Ndjambi ayaki
Diyototshumya no?
Inda yishol'emb'endiso
La ditophetela.
4. Win'oyakalomi Yesu
D'iyotokolola,
Tokotshwa nd'ola bonandi,
Tokulama l'andi.

YESU, BOIKYI BONAMI

Sun of my soul

1. Yesu, Boikiyi bonami,
W'onometela nd'otema;
Widima bophongoyala
Nkina we aotutama.

2. Oyaaka l'emi wina bya,
La nkesa o la widima;
Ondesanyaki nda botsho,
We menge ole Bophadi.

3. Ontanaki yin'enkuma
Dikenda na mbok'endawe;
Onkaaki ngesa endawe
In'emi dikokambela.

BOWEDI, LOLANG'ONDAWE

O blessed Saviour

1. Bowedi, lolang'ondawe
Loyadi phala menge,
Tolanga dikokanedyā
La wina la wina.

2. Kilisto tokoka mposa
Djoi ind'olotshi onde,
O la kurus'ena nsonyi
Ekiw'atodyaka.

3. Bont'ilangaka isoke,
Mang'and'aokoowela;
Ko w'owelaki antonyi;
W'olekol'auma.

4. Nkula nd'iwany'ina Ndjambi,
Nda ditombya ok'Isho,
W'oyakitedyaki n'ase
Elengi nd'ewedi.

5. W'olimedy'iwana l'anto
Imolak'emb'endiyo,
Ind'isho banto ban'embe
Towanaki la we.

6. Tophwa lolango londawe,
La ngres'enda diphepha;
Totombola din'indawe
Na nyuma soosolo.

DITOMBY'ELE WE DIIYO

Everlasting glory be

1. Ditomby'ele we diiyo
Ndjambi Apha endiso;
Ban'andawe na motshi
Tokoshima l'oshadu.

2. Iyan'inde inda phee
Itotshumy'omb'ondiso;
W'olembol'ekuru bya
La lolango londawe.

3. Etambene w'oteta
Diyotshwa nda wee bonde;
Ndjambi, Aph'end'iyota,
Isho tombokophika.

4. Tombolimbitel'ishei,
Ngres'endawe el'isho;
Aph'endiso nd'iyani,
Tokotombya soosolo.

TEMBAKI NYEMBO INDISO

Now, in a song

1. Tembaki nyembo indiso
Ele Yesu, Nkum'endiso;
Tembaki l'anto banandi;
Yesu aokel'olotshi.

2. Etongelo elishola
Mpim'enandi o la mpamba;
Lolango lolekola bya;
Yesu aokel'olotshi.

3. Akiso wimedyak'andi,
Toleya ishei inandi;
Ilekola ditombya bya;
Yesu aokel'olotshi.

4. Akendalom'iso mpiko
Oka Kilisto nda loola,
Tokoophika ish'anto bya;
Yesu aokel'olotshi.

NKUMU ENDA LOMO

O blessed living Lord

1. Nkumu enda lomo,
Lodyaka etema
L'olang'onde lopheyani,
Tutamak'el'Isho.

2. Tokooka lolango
Yesu, Bosukako,
Djoi inda w'otolangaki
Elengi nd'ewedi.

3. Nkumu, iyut'inde
Ikoyala phwaphwa;
Token'elongi endawe,
We Nkolo ya lomo.

YESU , DINA IND'OLOTSHI

How sweet the name of Jesus

1. Yesu, dina ind'olotshi
El'anto bandawe;
Dik'iyad'itotanaka
Nd'otshidi o l'elu.
2. Dik'isambak'etema bya,
Dikimak'ophodu;
Diko toma tonda dila
Ele basi Kilisto.
3. Dina dinandi diyadi
Yishamelo menge;
Ile Diyoko la Nguwa
Ditotshitshimya wee.
4. Yesu Botshedi bondiso,
Bosangi l'Isoke,
Nkumu enda bankumu bya,
Tokokay'elonga.
5. Nemu indis'iphokoki
Dikophika ane;
Akitalom'ish'okawe
Tokokotombola.

6. Ane na mesa endawe
Tokokay'elonga;
We Nkolo ya dina ine,
Isho tokoshima.

ASHILALOMI BOLIMO

That will be glory

1. Ashilalomi bolim'onami
Ko akendalom'emi nda loola,
Anenalom'emi Yesu Nkumu,
Botem'onami bokoshashala.

Soosolo, ndokoshashala,
Soosolo, ndokoshashala,
Anenan'emi la Yesu Nkumu,
Ndokosalangana l'andi diiyo.

2. And'aondok'ishei in'onene,
Aonkaya mpamba end'olotshi;
Anenan'emi la Yesu mpiko,
Botem'onami bokoshashala.
3. Asukalom'emi la tosoke
Bakendaki nkoko nd'os'onami;
Aphomanalom'isho bya nkoko,
Botem'onami bokoshashala.

NDA BOL'OND'OLOTSHI

In the sweet by and by

1. Nda bol'ond'olotshi nda loola,
Nko banto and'olotshi mpiko;
Nda bola bond'osalangano,
Bembe bephongokoka yotshwa.

Nda bol'ona Ndjambi,
Isho tokotaana la Yesu;
Nda bol'ona Ndjambi,
Isho tokotaana la Yesu.

2. Akundjwalom'isho nda loola,
Tokemba nyembo ind'olotshi;
Baoi baph'olotshi baphako
Nda bola bonandi botshwako.

3. Akundjwalom'isho nda loola,
Tokotombola Bosukako;
Tokokaya Apha elonga,
Djoi inda lolango lonandi.

ULAMAKA L'EMI BOSUKAKO

Abide with me

1. Ulamaka l'emi Bosukako,
Widim'oyadi, bok'olekola;
Antonalomi tosoke touma,
We Bosambi ulamaka l'emi.

2. Lom'onami lolekaka phwaphwa,
O la boshadu bona motsh'ine;
Ndolen'ophidwa nd'aoi bauma,
Ulamaka l'emi phyophyo diiyo.

3. Emi dikasaka yin'euma,
Onkon'ondeya yimola bembe?
Phe nko we mele we Yesu Nkumu,
Ulamaka l'emi betsho beuma.

4. Ayakalomi win'ond'ewedi,
Ontshumye lolango nda widima;
Onsekolaki diiyo nda loola,
Yesu, ulamakaphele l'emi.

LOKODYAKA BANDJELO BAPHIKA

Hark ten thousand voices crying

1. Lokodyaka bandjelo baphika
Bona on'Onkoko ona Ndjambi;
Bakilami band'eusa baemba
Phe nko lwembo lone ele Yesu.
2. Lophwaka Bona ona Onkoko,
Bemba eteny'ephoko nda loola;
Iyo yembaka lwembo lond'olotshi
Lophonguta ditenya botshwako.
3. O la ditombya el'Apha Ndjambi,
Dikundjwaka nd'okala bonandi;
Bakus'aongo baum'ele Yesu,
Mpim'eyadi nk'ophoko nd'adiko.
4. Bolomba bosangana eusa,
Baodinga bokal'ona Nkumu;
Nd'iyany'inda boshadu onda diiyo,
Iy'apholemvwe yophika diiyo.
5. O la na motshi baoshashala,
Banto la wee nd'etem'endiyo bya;
Botshwalo onda yiko enda Yesu
Eshila yimola bemb'en'anto.

6. Lokodyaka lwemb'onda yophika,
M'erumvu ben'anto o l'andjelo;
Mpamba, ditombya l'imemy'ele
Nkumu,
Tshwimedya mbo; Apha o sesoko!

YESU L'EMI LOLANGO

Jesus, lover of my soul

1. Yesu l'emi lolango,
Ndishami n'onkok'onde;
Ayakalomi mpela
End'aoi ana mpamba;
Ondishaki we Nkumu,
Elengi ndi mbokita
Nd'ola bonde nda loola
Ntutama la we diiyo.
2. Lako yiko enkina,
Nshekama nko ele we;
Emi ndokootsha minge,
Ontanaki, Bosambi.
Bolotshi o la mpamba
Bayaki nko m'ele we;
Kukaka botsh'onami
Ma baoi ban'embe.
3. Yesu w'ikokaka bya,
Mpongasa emb'enkina;
Sukaka ban'akweki,
Tanaka bas'iyodu;
W'oyadi bolotshi bya,
Lolango la soosolo;
Emi mpokatshi mpamba,
Nshosamba bol'ondawe.

4. Lokesedi londe too
Yeyak'impophya bembe;
Ndjadi bont'ona mindu,
Edyak'otem'onami,
We etoko end'olo;
Ndas'ashi anda lomo;
Yaka nd'otem'onami,
Ulamaka o diiyo.

YESU NKUMU DIYOTA INDAWE

Thy grace of Lord that fathomed

1. Yesu Nkumu, diyota indawe
Oteledyaki bol'ond'ewedi,
Inda ditikya, benkoko ende;
Isho tokuteya elonga too.

2. Ditomby'indawe mpene nda loola
Dilekola ind'etongelo bya;
W'olanga isho yilama la we,
La pholee endawe nd'os'ond'Apha.

3. Ephulelo ende shena Ndjambi
Elekola nkanedya indiso;
W'okotishola sosol'ond'eko
Nda win'ond'itombya dikoyaka.

4. Andoludyama djomba dinkuma
La ditombya l'otshwalo bondawe,
Tokokophola bonen'ondawe,
O l'Apha minge aokutshaka.

5. Nkumu, ashimb'andawe aphinda
Beshadu bya bena motshi ine;
Tomboshumama phe nko ele we,
Tokotombola m'etema minge.

BOPHADI BONDISO AWAKI

We'll sing of the Shepherd that died

1. Bophadi bondiso awaki
Inda yikya benkoka enandi,
Ko lolango lonandi lotenya,
Loko lokotshikala diiyo.
2. Botonyi bondiyo boyaki,
Aolanga diphita benkoko,
Aye Yesu ondalangaki
An'ondawelaki nd'osongo.
3. Tembi nyembo inda ditombya
Yesu Bophadi bond'olotshi;
Tophikaki iyota inandi,
Ane o la nda loola diiyo.

OKANEDYAKI MPIMA

What raised the wondrous thought

1. Okanedyaki mpima
Inda ditshwakola Ekelizia,
La yokondodya mpiko nd'itombya
Eteny'ephoko l'Ona?

2. We munge Aph'endiso!
W'oyaki la nkanedya ene,
Ek'eyakaki ma mpim'endawe
La m'olango londawe.

3. Bosi motshi ateyi
Diyala la nkanedya ene;
Ek'eyalaki m'esangy'endawe
L'iyota inde munge.

4. La w'omel'okambaki
Bolim'ond'ikokya nkanedya;
Ind'isho diwana la Bon'onde
O la yotshwa nda loola.

5. Ko Ndjambi, toshashala
Ditondola nkanedya ene;
Ekelesia endawe ekokundjwa
Nda bol'ondawe mpiko.

6. Na mpamba ena Nyuma
Toshashala nd'iyota inde;
W'otophongelaki botshwal'one
Inda ditombya Bona.

NKUMU ENDISO YESU KILISTO

Lord, e'en to death Thy love

1. Nkumu endiso, Yesu Kilisto,
Nd'iyota inde ind'iphepha
We ootshwelaki nd'ewedi,
Inda ditekya Satana.

2. W'otodyaki bodit'ondiso
Nda widim'onda tshuu we menge;
Bemb'endiso, l'elu eusa,
Nkel'ena Ndjambi el'isho.

3. Elu ekiw'atenelaka,
Ek'emboshilaka botshwako;
Ko isho tombotshwa nda yutsha,
La we nd'itombya nda loola.

4. Tokokomemya oka Ndjambi
Nd'ola bonda loola nk'otshwako;
Ko nkul'ane n'ase na motshi,
Tophongoshila dikophwa.

WE OTOLEKEDYAKI NYONGO

O blessed Lord what hast thou done?

1. We otolekyaki nyongo
Nkumu enda iyota;
W'oyalesaki nda bewedi
We Bosoka Ndjambi.

2. Ndjambi Isho atolangaki
And'aokosokola;
We mele oyakaki n'ase
Nd'olango bondawe.

3. Andey'isho ishei indawe
El'isho banto ande,
W'ombotokaya wee nd'etema
Bondolekola bya.

4. Akendalom'iso ele we,
Isho tokoshashala;
Tokoyulama isho la we
Nda ditombya inde.

5. Tokenaki l'aisho ane
La tokookak'olango;
Akundjwalom'iso okawe,
Tokokophola bya.

6. W'olekola bankum'auma
Bana ndjei enkuma bya;
Tombosalangana dikeya
La yekam'ele we.

BODITO BON'EMB'ENDISO

O Christ what burdens

1. Bodito bon'emb'endiso
Bokundjwak'ele we;
Kilisto w'onemalaki
Nda djowa indiso;
W'otodyak'elu endiso,
Ko isho totshongwa.
2. Wamb'ondiso o l'ewedi
Akundjwak'ele we;
La w'omelaki lophondo
Lon'embe bendiso;
Nd'iyota ine el'emi
Emi mpongoomela.
3. Nkel'ena Ndjambi, Yeowa
In'embe bendiso,
Ekitaki nd'otsh'ondawe,
And'okoudwaki;
Kurus'ende la bolongo
Nko pholee endiso.
4. Ndjambi osomolaki mbau,
L'olok'onda bembe;
Ko eko ekotongona
Inda ditosuka;
W'otolimedye bewedi
Inda isho yika.

5. Tokuteya elonga too
Bosukak'ondiso;
Tophika o la Nkumu Ndjei
Ma lolang'onandi;
And'olesaki nd'ewedi,
Bon'onandi bophoko.

DIMEMYA DILE ASHIMBA

How pleasant is the sound of praise

1. Dimemya dile ashimba
Na nemu ind'akilami;
Nkina tokotona yoophwa
Bayoko baokoomemya.

2. Lwembo lokolekola bya
Loyali inda ditombya
Bowedi botowelaki
Inda ditikya m'ewedi.

3. Ankina bapheyi yemba.
Nko isho la lwembo lone;
Phe nko bane baolika
Yeyaka yembaka shene.

4. Yesu, isho tokophika,
Tophwa lolango londawe;
Akumal'isho mpiko
Tokemba nyembo botshwako.

WE BOSOKA NDJAMBI

O Lord we adore Thee blest Son

1. We Bosoka Ndjambi

Isho tokomemya,
W'otoki lolango
Lolekola bya.
W'ondotowelaki,
W'olulo m'ewedi,
Ko w'oluta nda loola
El'Apha Ndjambi.

2. Tokomemya, Apha,

Etoko end'olo;
Bona okishola
Nd'iyani'inda phee;
Tokwa nd'os'ondawe
L'oshadu eusa,
L'olango bonda phala
L'olotshi onde.

TOKEYA WE YESU

Jesus our Lord Thou morning Star

1. Tokeya we Yesu,
Iyotsh'ina nkesa;
Nd'oso we otowelaki,
W'oletshwa m'ewedi.

2. Nd'oso w'ondoyaki
Ma lodu londawe,
D'iyosuka bantomboki
La yakaya lomo.

3. W'ondulama ane
L'iyakitedya too;
W'okambelaki Aph'ende
Elengi nd'ewedi.

4. Tophwa mbok'endawe,
Ekiw'akendaka;
Tophwa lolango londawe
El'asi motsh'ine.

5. Yakaka nko phwaphwa,
Tokendi okawe;
Wina bokokya soosolo
Ayakalomi we.

NKUM'ENA MPAMBA, YAKA

Come Thou almighty King

1. Nkum'ena mpamba, yaka,

Yototana win'one

Ditombola

Nko dina indawe,

Ndjambi end'olotshi;

Tokokembelaka

Nyembo diiyo.

2. Djoyi inda lomo, yaka,

Yototana la mpima,

Isho tootsha;

Otoshashadyaki,

Ish'anto bandawe;

Tshikalaka l'isho

Nkumu Yesu.

3. Ko Nyuma ena Ndjambi

Aoyaka el'isho,

La soosolo,

Enda ditotana

La mpamba enandi;

Tuteya elonga

Ele Nkumu.

4. Ko we Ndjambi endiso,
Isho tokotombola,
O la Yesu;
Nkumu end'olotshi,
Tolanga dikena
Nd'ola bonda loola,
Bosukako.

TOTOMBOLA NDJAMBI

Praise we to the Father give

1. Totombolaki Ndjambi,
And'Aph'endiso menge;
Toyadi ban'anandi,
Tokoophika botshwako.

2. Tomemya o la Kilisto,
Bona bond'Apha Ndjambi;
Bondoyaki ma loola
L'andi otowelaki.

3. Ko and'osokolaki
Nyuma el'isho bana;
Bontanyi o l'Osambi
Nda etema bendiso.

4. Tombotonyam'insonyi,
Ko Ndjambi ale l'isho;
Apha l'Ona la Nyuma,
Tuteya elonga too.

BOSUKAKO ISHO TOKOTOMBYA

Saviour, again to Thy dear name

1. Bosukako, isho tokotombya,
Temba nyembo inda dikophika;
Isho tokomemya etambene,
Toshumya baongo nd'os'ondawe.

2. Otokaaki wee akendal'isho
Ma lodu lone nda bel'endiso;
Sukaka nemu m'aoi ban'embe;
Otekyaki diyotsha ele we.

3. Otokaaki wee nda botsho one,
Otophetel'ononyi nda widima;
Lokodyak'isho na mbok'endawe,
Widima bopheyi dikosuka.

4. Otokaaki pholee nda betema,
Otosambaki nkina tolela;
Ashilalomi lokendo ane,
Tokoyulama la we nda loola.

BON'ON'ONKOK'ONA NDJAMBI

Jesus, God's Lamb, on the throne

1. Bon'on'Onkok'ona Ndjambi nd'okala
bondawe,
W'olenak'elu nd'osongo, la
w'otonamaki;
W'end'olotshi,
Ambaka bosambelo,
Bosoka Ndjambi nd'itombya.
2. Ish'ane bakolanga tokoophwa
etambene;
Tokuteya elonga ma betema bendiso;
Nda iyota
We ondoyalesaki;
Tombekama nko ele we.
3. Elengi ndi andutawe d'iyotokolola,
Isho tolanga dikophwaka ane na
motshi;
Ditombya bya
Inda loola ele we;
Tokaya ama elonga.

Nyembo nd'Ikela 80	98
<p>Totombye Ndjambi, Bokayi Bonda baomba bauma; Lophikaka andi nda loola, L'Ona la Nyuma end'Olo. Amen.</p>	
Nyembo n'Anglais 19	99
<p>Tokw'akukumeki nd'akaka ande, We Nkumu endiso tokotombola; Tolesa ele we ditomby'indiso Dikophula elengi ndi botshwako.</p>	
BE 106 Nyembo n'Anglais 5	100
<p>El'On'ondotolangaki, An'ondoyalesaki Nd'ewedi inda ditikya, La lolango lonandi; Mpamb'el'andi, O l'iyonga, La ditombya botshwako.</p>	

ooo000ooo

INDEX IND'AOI BAND'OSO

Andey'isho disokama	2
Aph'endiso Ndjambi	69
Apha Ndjambi toshashimwa soosolo	71
Ashilalomi bolim'onami	80
Ayakalomi Bondikyi	33
Ayem'aphala Kuruse	66
Bodito bon'emb'endiso	90
Bolong'ona ngombe	53
Bon'on'Onkok'ona Ndjambi	97
Bont'onda lokonyo too	51
Bophadi bondiso awaki	86
Bosalangano eusa	64
Bosukako, isho tokotombya	96
Bowedi emi n'andja	36
Bowedi lolang'ondawe	75
Bowedi ontshutshaki	32
Bowedi, tolanga dikoyela	17
Bowedi, tombosukama	24
Dimemya dile ashimba	91
Din'indawe Yesu Nkumu	18
Dina ina Nkumu Yesu	7
Ditomby'ele we diiyo	76
Elengelengi Yesu Bosukako	4
El'On'ondotolangaki	100
Emi mbosalangana win'one	35

Ish'anto bana motshi bya	54
Isoke inda bolotshi	9
Kilisto, nda win'oiko	58
La diyota dind'iphepha	22
Letshwaka iny'asi Kilisto	21
Lokodyak'andjelo bemba	12
Lokodyaka banjelo baphika	83
Lomboka djoi win'one	60
Lophikaka Nkumu	13
Lophwaka Bosonami	25
Lotombolaka Nkolo	52
Loyaka tophwe Apha	70
Ma l'ontamba o la widima	61
Mbokoka lolango	41
Mbokolaka we Nkumu	63
Mpeye ditondola ishei	73
Nd'atei and'ekakay'ene	57
Nda bol'ond'olotshi	81
Ndjambi endiso Bolotshi bya	72
Nemu boni	14
Ngres'end'iphepha ena Nkumu	23
Nkum'ena mpamba yaka	94
Nkumu aokaphemela	28
Nkumu enda lomo	78
Nkumu endiso, Yesu Kilisto	88
Nkumu isho tosukama	46
Nkumu isho tombophwa	19

Nkumu Yesu aoteta	37
O shend'elanga we, Boikiyi	48
Okanedyaki mpima	87
Olotshi, Olotshi	45
Otekyaki lolango londawe	49
Phalak'osong'onda Yesu	29
Solaka bomb'onami?	6
Tembaki nyembo indiso	77
Tokeya we Yesu, Iyotsh'ina nkesa	93
Tokotombya we	11
Tokw'akukumeki nd'akaka ande	99
Tolekolaki yok'ophodu	68
Tophikaki Yesu	31
Tophwaki Yesu, Bosukako bondiso!	43
Totombola Ndjambi, And'Aph'endiso	95
Totombole Bosukako	16
Totombye Ndjambi, Bokayi	98
Toyaka ele we Ndjambi	56
Ulamaka l'emi Bosukako	82
W'oyadi Djoji inda diiyo	42
We Bosoka Ndjambi	92
We etoko end'olotshi	5
We Ndjambi, Aph'endiso bya	44
We otolekyaki nyongo	89
We otowelaki	59
We Yesu, Nkumu w'oyadi ashimba	55
Yakaka bont'on'ombe bya	38

Yesu aoletama nko la ekundu	47
Yesu aoteta ane	20
Yesu awaki'ind'ikosukaka	34
Yesu ayadi Nkum'enami	62
Yesu ayaki na motshi	67
Yesu, Boikiyi bonami	74
Yesu, Bosukako	8
Yesu, Bosukako o l'Ophadi	40
Yesu, Bosukako Yalaka ntutama	10
Yesu, dina ind'olotshi	79
Yesu Isoke inda soosolo	27
Yesu l'emi lolango, Ndisham	84
Yesu l'emi lolango, Bonkanda	3
Yesu Nkumu, diyota indawe	85
Yesu Nkumu tosukama	15
Yesu otowelaki	65
Yesu tombokophwa	50
Yesu we Nkanga end'etema	1
Yesu we Nkumu	26
Yesu we Nkumu, emi ndoloka	39
Yesu we Nkumu endiso	30
Yesu we Nkumu, isho tosukama	26
Yesu we Nkumu, w'oyadi ashimba	55